


Sra. Maximina Croes:

BINTIUN AÑA TRAHANDO CU ORGUYO Y AMOR NA HOSPITAL



ORANJESTAD (AAN)- Maximina Croes Boekhoudt ta bay haci 21 aña, dia 1 di Juni aña aki, trahando den Departamento di Limpieza di Hospital.

Tempo cu el a cuminsa tabata na Hospital Bieuw, esta San Pedro Hospital, como Huishoudwester, y despues el a pasa pa Hospital Horacio Oduber te aworaki.

E departamento ta consisti di un hooft y dos asistente. Pa casualidad aña pasa un di e asistentenan a haci un operacion grandi, y esun otro mester a tuma vacation pasobra el a acumula basta periodo caba. Esaki a haci cu señora Croes a yuda e hefe durante dos luna consecutivo den e

trabao, y por a mostra cu no ta por nada cu e tin e experiencia amplio aki.

RESPONSABILIDAD:

Maximina su trabao no ta facil y ta un labor cansa. Na cumzamento e tabata pasa mop, bari, kita stof, etc., pero pa mas of menos diez aña caba, despues di a traha cu priva afdeling, e ta encarga cu e parti di flat, asina yama "verpleegsterhuis" caminda cu e enfermerahan of e docter cu ta bini for di Hulanda core stage, ta keda aden.

Antes Hospital tabata haya hopi docter di Merca cu tabata core stage na Aruba, segun el a bisa.

Tambe e ta encarga cu e localnan unda cu e ver-

pleegsternan ta tuma les y e auditorium, cu ta un parti basta grandi cual constantemente ta ocupa cu algun actividad.

E personal di limpieza, generalmente ta traha for di 7'or di mainta te cu 3.30 p.m, pero tin un orario cu ta bay "onderburt" di manera cu cada dos luna nan tin e turno cu ta cuminsa for di 11.30 am te cu 8'or di anochi.

Personal di limpieza ta traha Diasabra cu Diadomingo, y nan ta haya nan dia liber den siman.

AMOR PA TRABAO:

Maximina a comenta cu su trabao no ta lihe ni facil, pero aworaki nan ta traha cu un equipo di limpieza cu ta alivia hopi e trabao aki.

Sinembargo, e ta kere cu e exito di trabao di limpieza ta door di haci e cu amor.

Personal di limpieza ta uno hopi importante, y merece di motibacion. Si nan trabao ta worde aprecia, esaki ta conta hopi. Pa Maximina ta un orguyo traha den sector di limpieza unda cu algo asina importante manera mantene hospital den condicionnan optimo di higiene, ta cay tambe den su man.

E semper ta conciente cu Hospital ta un lugar unda tin hopi bacteria, y unda cu nan ta traha cu hende enfermo.

Tanto pa bon di e paciente como di e trahadornan, e responsabilidad aki ta enorme pa e personal di limpieza.

Masha pret, señora Maximina a comenta cu ora su yiu

ta yude haci e cas limpi, e ta ripara mesora di e cas no ta "impecable". Esaki pasobra e ta perfeccionista y e ta kere pa su cas ta mes limpi cu Hospital.

Segun el a indica personal di limpieza ta traha hopi proteha pa nan no worde contagia cu ningun malesa.

DIFICIL PA HAYA TRAHADOR:

Sra. Maximina Croes ta comenta cu awendia no ta facil pa Hospital haya suficiente personal pa haci limpieza. E hobennan Arubiano no kier mas desempeña e sorto di trabao aki, y mayoria di nan kier traha den tienda of oficina, unda cu of nan ta bisti nechi of tin contacto cu publico y no cu hende malo.

"Sinembargo na Hospital bo ta conoce hopi hende. Bo tin contacto cu enfermera, doctornan, etc., y cu por cera amistad cu pacientenan. Nan no ta lubidabo. Mi experiencia ta cu diferente paciente cu mi a conoce na Hospital bieuw ta cordami ainda, y ta algo hopi bunita mes. Ora bo tin oportunidad di duna un paciente siquiera un glas di awa, por ta net na un momento cu e enfermera no ta eyden, bo ta sinti un satisfaccion hopi grandi di por duna un man", el a bisa.

UNIFORM: Pa Maximina, bisti Unifor ta un economia grandi. "Si bo no ta usa uniform, tur dia bo mester tin un paña adecuado pa bin traha, y bo tin doble gasto. Bo no ta bay sali cu e mesun paña cu ta

bo ta usa pa traha. Mientras cu si bo tin Uniform, toch bo ta presentable, y e ta keda pa bo traha so", el a comenta.


COOPERACION NA CAS:

Sra. Croes ta hopi gradici cu su esposo cu ta colabora hopi cune pa cu cuido di su dos yiu homber, kendenan un tin 16 aña y esun chiquito tin 10. E ta describi su yiunan como hopi responsable na school, colaborador na cas y cu no ta cana riba caya. E dos muchanan a lanta custumbra di mira cu ambos mayor ta traha. Sinembargo esey no a trese pa Maximina ningun problema familiar, pasobra semper a conta y ta sigui conta cu colaboracion di su esposo, kende aunque e tambe tin su trabao pisa, e ta na cas na cierto oranan cu Maximina ta na trabao. "Mi casa semper a sa di aprecia hopi mes cu mi ta traha pa yude y tambe e ta conciente cu nos yiunan ta di nos dos. Nos famia ta uni, tur costa worde papia, e muchanan ta worde guia, y danki DIOS nos no tin problema".

DIA DI TRABAO: "Mi kier duna mi punto di bista como hende muher. Pa mi, Dia di Trabao, esta 1 di Mey ta un dia cu bo ta worde aprecia hopi. Voorall den nos caso cu ta hende muher, nos tin un peso hopi grandi: Fuera cu nos tin nos famia, nos tin un trabao cu ta existi hopi di nos. Nos ta lanta for di marduga pa por cumpli como ama di cas y bin traha na ora", el a indica.

TELEFONAN DI DIARIO
22207-26747-35023

Un Pueblo sin Trahador
Ta un Pais sin
progreso.



Felis
di
Obrero

WIPCO

1
9
9
3

Un Pueblo sin Trahador
Ta un Pais sin
progreso.

Felis

di
Obrero

1
9
9
3



DROP
N NUTS